



Broj predmeta: 13-000595/21
Broj akta: 01.1-1413EK-0032/21
Datum, 1.7.2021. godine
Mjesto, Brčko

Na osnovu člana 17. stav (2) Zakona o Vladi Brčko distrikta BiH («Službeni glasnik Brčko distrikta BiH», broj: 22/18 -- prečišćen tekst, 49/18, 08/19, 10/19 i 32/19), u skladu s članom 69. stav (3) Zakona o javnim nabavkama («Službeni glasnik BiH», broj 39/14), Izmjene i dopune Zapisnika o pregledu i ocjeni ponuda broj:13-000595/21 od 23.6.2021. godine, gradonačelnik Brčko distrikta BiH
d o n o s i

ODLUKU O PONIŠTENJU POSTUPKA JAVNE NABAVKE

Član 1.

Poništava se otvoreni postupak za Lot 2 – Otvaranje i vođenje Transakcionog računa za obavljanje unutarnjeg i inozemnog platnog prometa na godišnjem nivou do 160.000,00 KM iz provedenog postupka nabavke bankarskih usluga otvaranja i vođenja računa u sistemu jedinstvenog računa Trezora Brčko distrikta BiH – lotovi 1-3 za potrebe Direkcije za finansije Brčko distrikta BiH, koji je pokrenut na osnovu Posebne odluke o pokretanju postupka javne nabavke broj: 13-000376/21, broj akta: 13-000595/21 od 24.2.2021. godine, Tenderske dokumentacije i specifikacije robe broj: 13-000595/21, kao i Obavještenja o nabavci na portalu javnih nabavki broj: 1157-1-2-113-3-170/21 od 15.3.2021. godine iz drugih dokazanih razloga koji su izvan kontrole ugovornog organa, a koji se nisu mogli predvidjeti u vrijeme pokretanja postupka javne nabavke, što prema čl. 69. stav (3) Zakona o javnim nabavkama predstavlja osnov za poništenje postupka javne nabavke.

Član 2.

Čl. 1. stav (1) tačka b) Odluke o izboru najpovoljnijeg ponuđača broj:13-000595/21, broj akta:01.1-1413EK-0019/21 od 19.5.2021. godine se stavlja van snage.

Član 3.

Odluka o poništenju postupka izbora najpovoljnijeg ponuđača stupa na snagu danom donošenja.

Obrazloženje

U provedenom postupku nabavke je donesena odluka o izboru najpovoljnijeg ponuđača u kojoj je okvirni sporazum za Lot 2 bio dodijeljen ponuđaču „Sberbank BH“ d.d. Sarajevo koji je bio dužan u roku od sedam dana od dana obavještenja o dodjeli okvirnog sporazuma dostaviti kvalifikacionu dokumentaciju. Ponuđač je dostavio dokumentaciju ugovornom organu 4.6.2021. godine a poštom 3.6.2021. godine što je izvan definisanog roka od sedam dana. Osim toga, komisija je uočila da je ponuđač dostavio samo uvjerenje Suda BiH, a prema tenderskoj dokumentaciji i obavještenju koje je ponuđačima dostavljeno trebao je kumulativno dostaviti i uvjerenje Suda BiH i uvjerenje suda prema sjedištu pravnog lica tako da nije dokazao kvalifikovanost u postupku nabavke. U skladu sa članom 72

stav (3) Zakona o javnim nabavkama razmotrena je mogućnost dodjele okvirnog sporazuma drugorangiranom ponuđaču „Unicredit Bank“ d.d. Mostar. Međutim, tenderskom dokumentacijom je jasno precizirano da jedan ponuđač može dobiti okvirni sporazum samo za jedan lot, a kako je njemu već dodijeljen okvirni sporazum za lot 3, komisija za nabavku je dostavila preporuku o poništenju postupka nabavke za lot 2.

POUKA O PRAVNOM LIJEKU:

Protiv ove odluke zainteresovane strane imaju pravo podnijeti pismenu žalbu ugovornom organu dostavljanjem žalbe u najmanje tri primjerka u Odjeljenje za stručne i administrativne poslove Pododjeljenje za javne nabavke Vlade Brčko distrikta BiH, u roku od 10 dana od dana prijema odluke.

DOSTAVLJENO:

1. Pododjelu za javne nabavke,
2. Gradonačelniku,
3. Direkciji za finansije,
4. Ponuđačima,
5. „Službenom glasniku Brčko distrikta BiH“
6. Arhivi.

